

Cronica d'ès nosautres

Actualitats

Coma amo ben vos parlar d'actualitat aviau marcat doas o tres ideias. Las abstencions per las darrèiras eleccions a las regions, lo president d'America, coma se deigramissa per adure una securitat sociala dins son país e lo paure Papa Benoit e totas sas misèras...Aquò ne'n fai ben un pauc, ai gaire de plaça, chaudrà anar vite.

Per las eleccions, qu'es ben malèiros de veire que se pauc de monde son anat voutar. Sus lo còp l'òm pensa a tot aqueles que, dins lo passat, se son revoltats per çò qu'avián pas lo dreit de ren dire. Chaliá trabalhar, baissar la testa e se qesar. An bramat per demandar lo dreit a la paraula e mai lo dreit de voute. Me sembla un pauc vergonhos d'abandonar aquele dreit, encuei que sièm un pauc melh aürós.

En França avèm las assurances socialas, dempuei la fin de la guerra, en 1945, nos sembla doncas quaucòm de solide, quaucòm que nòstres parents avián consolidat e que repausa sus una solidaritat entre tots. Los interès privats existan pas dins aquel sistema, pas coma aus Estats-Unis onte lo president Obama a tament de pena per instalar quaucòm que sembla tantsepé a nòstra secu. Lo president american se deigramissa tant que pòt mas nosautres deuriam benlèu badar los elhs per çò que nos fau gardar çò qu'avèm e qu'es pas totjorn simple.

E nòstre Papa ! Mon Diu que de problemes lhi tomban dessus. Es benlèu un pauc maladreit, vòlo ben en convenir, mas pasmens totas aquelas acusacions que venan de pertot, que l'i pòt faire ? E meme l'òm comença a dire que los curats se vòlan mariar ! Dins lo fons, perque pas ? Mas me demando sovent que ne'n pensariá lo curat de La Fara.

Lo Revessin

Actualités

Comme j'aime bien vous parler d'actualité j'avais noté deux ou trois idées. Les abstentions aux dernières élections régionales, le président américain qui se décarcasse pour introduire une sécurité sociale dans son pays et le pauvre Pape Benoit e toutes ses misères... C'est beaucoup, je n'ai guère de place, il faudra donc passer vite.

Pour les élections il est bien malheureux de constater que si peu de gens sont allés voter. On ne peut s'empêcher de penser à tous ceux qui dans le passé se sont révoltés par ce qu'ils n'avaient pas le droit à la parole. Il fallait travailler, les yeux baissés et se taire. Ils ont crié pour demander le droit à la parole et aussi le droit de vote. Il me semble un peu honteux d'abandonner ce droit, aujourd'hui que nous sommes un peu plus heureux.

En France nous avons les assurances sociales, depuis la fin de la guerre, en 1945, cela nous semble donc quelque chose de solide, que nos parents avaient renforcé et qui repose sur une solidarité complète. Les intérêts privés n'existent pas dans ce système comme aux Etats-Unis où le président Obama a tellement de peine pour instaurer quelque chose qui ressemble un peu à notre sécu. Le président américain se démène tant qu'il peut, mais nous, nous devrions aussi ouvrir l'œil car il nous faut préserver ce que nous avons et ce n'est pas toujours évident.

Et notre Pape ! Mon Dieu que de problèmes l'assailent. Il est peut-être un peu maladroit, je veux bien en convenir, mais cependant toutes ces accusations qui arrivent de partout, que peut-il y faire ? Et l'on commence même à dire que les prêtres veulent se marier ! Pourquoi pas, dans le fond ? Mais je me demande souvent ce qu'en penserait le curé de Lafarre.